

18. Bréf dómsmálastjórnarinnar til amtmannanna, um fjárkláðann.

1859.
28. maí.

Ef fjársýki þeirri, sem nú gengur á Íslandi, á að verða útrýmt, virðist það nauðsynlegt og að öðru leyti haganlegast, að um allt land verði höfð sama aðferð við meðferð sjúkdómsins; en þaræð þess verður naumast að vænta, að þessu verði til leiðar komið eins og nú stendur á á Íslandi, og meðan þar vantar nægan myndugleika til að framfylgja þessu, hefur konungur, samkvæmt uppástungum dýralækningaráðsins, verið beðinn um, að fela mál þetta alveg á hendur konunglegum erindsrekum með nægu valdi. Konungi þóknadist eptir þetta að útnefna dýralækni, prófessor Tscherning og skjalavörð Jón Sigurðsson, til sem erindsreka stjórnarinnar að fara til Íslands; og skyldu þeir fyrst nákvæmlega rannsaka heilbrigðisástand fjárins, einkum með tilliti til þess hörundskvilla, sem hefur gengið nú seinustu árin, og yfir höfuð veita eptirtekt öllu, sem snertir heilbrigði fjárins; og síðan í sameiningu gjöra þær ákvarðarnir, sem þeim kynni að sýnast nauðsyn á og annars eiga við á Íslandi, til að varna útbreiðslu sýkinnar, eða til að lækna fêð og bæta heilbrigðisástand þess.¹

Um leið og eg tilkynni yður þetta, herra amtmaður, sendi eg yður afskrípt af hinu konunglega erindisbréfi, er erindsrekar þessir hafa fengið, svo að þér getið hagað yður þar eptir og gert það kunnugt í amti yðar.

19. Auglýsing um að birta í blaðinu „Þjóðólfi“ auglýsingar þær, sem um ræðir í opnu bréfi 27. maí þ. á.

27. júní.

Eptir valdi því, er dómsmálastjórnarherraum er veitt í opnu bréfi 27. maí þ. á., um breyting á reglum þeim, er gilda á Íslandi viðvíkjandi auglýsingum í blöðunum í vissum tilfellum, er það hér með fyrirskipað, að auglýsingar þær, sem um er

1) Til stiptamtmannsins var hér bætt við um laun erindsrekanna, og um að greiða þeim fê þar eptir, þegar þeir æsktu þess.

1859. rætt í áðurgreindu opnu bréfi, skal, þangað til öðruvísi verður
27. júní. ákveðið, birta í blaðinu „Þjóðólfi“, er út kemur í Reykjavík.

Eptir þessu eiga allir hlutaðeigendur sèr að hegða.

Í dómsmálastjórninni 27. dag júnímánaðar 1859.

27. júní. **20. Bréf dómsmálastjórnarinnar til amtmanna á Íslandi,
um fiskiveiðar útlendra manna.**

Stjórn hinna útlendu mála hefur skýrt dómsmálastjórninni frá því, að keisarastjórninni á Frakklandi og hinni konunglegu stjórn á Englandi hafi verið kunngjört um ferð herskips þess, er „Örnen“ heitir, til Íslands, og innan hverra takmarka undan landi skipsforingjanum hafi verið boðið að verja umráð Danakonungs yfir sjónum til verndar fiskiveiðum Íslendinga; en að svo búnu hafi utanríkisráðherrann enski, 18. dag f. m., ritað sendiherra Danakonungs í Lundúnum á þá leið, að enska stjórnin ekki gæti kannast við, að nokkurt ríki, sem ekki hefði heimild til þess í hjóðsamningum, ætti með að taka sèr vald yfir sjónum lengra en 3 enskar mílur undan ströndum landsins, en einsog yður er kunnugt, herra (*tit.*), af bréfi stjórnarinnar 9. f. m., hafði svið þetta verið þannig á kveðið, að það skyldi ná eina venjulega sjávarmílu undan landi frá yztu ey eður hólma. Síðan var leitað álits utanríkisstjórnarinnar um það, hvort hún hefði í hyggju að halda fram þeim takmörkum, er af hálfu Danastjórnar hefðu verið ákveðin um yfirráð konungs yfir sjónum kringum Ísland, þrátt fyrir ummæli Bretastjórnar, og hefur utanríkisstjórnin svarað á þá leið, að sèr ekki þyki næg ástæða til beinlínis að hverfa frá þeim takmörkum, er ákveðin voru um yfirráð konungs yfir sjónum, að minnsta kosti ekki fyrri, en búið sè að semja við ensku stjórnina um þetta efni; en til þess að forðast sem mest að lenda í deilum við hina konunglegu stjórn á Englandi, fer utanríkisstjórnin því á flot, að yfirvöldunum á Íslandi sè boðið að fara að með sem mestri lagkænsku við skip frá Bretlandi hinu mikla, þá er halda skuli fram yfirráðum þeim, sem hér ræðir um.